

<<弟子规·千字文>>

图书基本信息

书名：<<弟子规·千字文>>

13位ISBN编号：9787538638998

10位ISBN编号：7538638997

出版时间：2010-3

出版时间：崔钟雷 吉林美术出版社 (2010-03出版)

作者：崔钟雷 编

页数：288

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<弟子规·千字文>>

前言

孩子就像一株株幼小的苗，一朵朵娇嫩的花，需要精心地呵护和培养，才能健康成长。每个孩子的成长都少不了好书的陪伴，因为好书就是那暖暖的春风、涓涓的小溪，轻抚、滋润着孩子的心灵，为孩子的成长提供丰富的精神养料。为了使孩子在成长的过程中，每天都过得精彩、充实，我们精心打造了这套《中国儿童成长必读系列》丛书。其中的《经典童话故事全集》《经典寓言故事全集》《名人成才故事》，让孩子读故事，懂道理，从而学会感恩，学会勇敢，学会乐观地面对生活；启蒙经典读物《三字经·百家姓》《弟子规·千字文》，让孩子在快乐的阅读中，细细品味中华五千年的传统文化。

<<弟子规·千字文>>

内容概要

《弟子规》成书于清康熙年间，以《论语·学而篇》的"弟子入则孝，出则悌，谨而信，泛爱众，而亲仁，行有余力，则以学文"为中心，讲述了孩子在家、出外、待人、接物和学习上的守则规范。

《千字文》成书于南朝梁武帝时期。

是我国最早的蒙学课本，以条理分明的韵文，涵盖了关于自然、社会、历史、教育、伦理等多方面的知识。

《弟子规》和《千字文》是培养孩子良好品行和道德修养的最佳启蒙读物。

<<弟子规·千字文>>

书籍目录

弟子规弟子规，圣人训，首孝弟，次谨信。

泛爱众，而亲仁，有余力，则学文。

父母呼，应勿缓，父母命，行勿懒。

父母教，须敬听，父母责，须顺承。

冬则温，夏则清，晨则省，昏则定。

出必告，反必面，居有常，业无变。

事虽小，勿擅为，苟擅为，子道亏。

物虽小，勿私藏，苟私藏，亲心伤。

亲所好，力为具，亲所恶，谨为去。

身有伤，贻亲忧，德有伤，贻亲羞。

亲爱我，孝何难，亲憎我，孝方贤。

亲有过，谏使更，怡吾色，柔吾声。

谏不入，悦复谏，号泣随，挹无怨。

亲有疾，药先尝，昼夜侍，不离床。

丧三年，常悲咽，居处变，酒肉绝。

丧尽礼，祭尽诚，事死者，如事生。

兄道友，弟道恭，兄弟睦，孝在中。

财物轻，怨何生，言语忍，忿自泯。

或饮食，或坐走，长者先，幼者后。

长呼人，即代叫，人不在，己即到。

称尊长，勿呼名，对尊长，勿见能。

路遇长，疾趋揖，长无言，退恭立。

骑下马，乘下车，过犹待，百步余。

长者立，幼勿坐，长者坐，命乃坐。

尊长前，声要低，低不闻，却非宜。

进必趋，退必迟，问起对，视勿移。

事诸父，如事父，事诸兄，如事兄。

朝起早，夜眠迟，老易至，惜此时。

晨必盥，兼漱口，便溺回，辄净手。

冠必正，纽必结，袜与履，俱紧切。

置冠服，有定位，勿乱顿，致污秽。

衣贵洁，不贵华，上循分，下称家。

对饮食，勿拣择，食适可，勿过则。

年方少，勿饮酒，饮酒醉，最为丑。

步从容，立端正，揖深圆，拜恭敬。

勿践阈，勿跛倚，勿箕踞，勿摇髀。

缓揭帘，勿有声，宽转弯，勿触棱。

执虚器，如执盈，入虚室，如有人。

事勿忙，忙多错，勿畏难，勿轻略。

斗闹场，绝勿近，邪僻事，绝勿问。

将入门，问孰存，将上堂，声必扬。

人问谁，对以名，吾与我，不分明。

用人物，须明求，倘不问，即为偷。

借人物，及时还，后有急，借不难。

凡出言，信为先，诈与妄，奚可焉。

<<弟子规·千字文>>

话说多，不如少，惟其是，勿佞巧。
 奸巧语，秽污词，市井气，切戒之。
 见未真，勿轻言，知未的，勿轻传。
 事非宜，勿轻诺，苟轻诺，进退错。
 凡道字，重且舒，勿急疾，勿模糊。
 彼说长，此说短，不关己，莫闲管。
 见人善，即思齐，纵去远，以渐跻。
 见人恶，即内省，有则改，无加警。
 唯德学，唯才艺，不如人，当自砺。
 若衣服，若饮食，不如人，勿生戚。
 闻过怒，闻誉乐，损友来，益友却。
 闻誉恐，闻过欣，直谅士，渐相亲。
 无心非，名为错，有心非，名为恶。
 过能改，归于无，倘掩饰，增一辜。
 凡是人，皆须爱，天同覆，地同载。
 行高者，名自高，人所重，非貌高。
 才大者，望自大，人所服，非言大。
 己有能，勿自私，人所能，勿轻訾。
 勿谄富，勿骄贫，勿厌故，勿喜新。
 人不闲，勿事搅，人不安，勿话扰。
 人有短，切莫揭，人有私，切莫说。
 道人善，即是善，人知之，愈思勉。
 扬人恶，即是恶，疾之甚，祸且作。
 善相劝，德皆建，过不规，道两亏。
 凡取与，贵分晓，与宜多，取宜少。
 将加人，先问己，己不欲，即速已。
 恩欲报，怨欲忘，报怨短，报恩长。
 待婢仆，身贵端，虽贵端，慈而宽。
 势服人，心不然，理服人，方无言。
 同是人，类不齐，流俗众，仁者希。
 果仁者，人多畏，言不讳，色不媚。
 能亲仁，无限好，德日进，过日少。
 不亲仁，无限害，小人进，百事坏。
 不力行，但学文，长浮华，成何人。
 但力行，不学文，任己见，昧理真。
 读书法，有三到，心眼口，信皆要。
 方读此，勿慕彼，此未终，彼勿起。
 宽为限，紧用功，工夫到，滞塞通。
 心有疑，随札记，就人问，求确义。
 房室清，墙壁净，几案洁，笔砚正。
 墨磨偏，心不端，字不敬，心先病。
 列典籍，有定处，读看毕，还原处。
 虽有急，卷束齐，有缺坏，就补之。
 非圣书，屏勿视，蔽聪明，坏心志。
 勿自暴，勿自弃，圣与贤，可驯致。
 千字文天地玄黄，宇宙洪荒。
 日月盈昃，辰宿列张。

<<弟子规·千字文>>

寒来暑往，秋收冬藏。
闰余成岁，律吕调阳。
云腾致雨，露结为霜。
金生丽水，玉出昆冈。
剑号巨阙，珠称夜光。
果珍李柰，菜重芥姜。
海咸河淡，鳞潜羽翔。
龙师火帝，鸟官人皇。
始制文字，乃服衣裳。
推位让国，有虞陶唐。
吊民伐罪，周发殷汤。
坐朝问道，垂拱平章。
爱育黎首，臣伏戎羌。
遐迩一体，率宾归王。
鸣凤在竹，白驹食场。
化被草木，赖及万方。
盖此身发，四大五常。
恭惟鞠养，岂敢毁伤。
女慕贞洁，男效才良。
知过必改，得能莫忘。
罔谈彼短，靡恃己长。
信使可覆，器欲难量。
墨悲丝染，诗赞羔羊。
景行维贤，克念作圣。
德建名立，形端表正。
空谷传声，虚堂习听。
祸因恶积，福缘善庆。
尺璧非宝，寸阴是竞。
资父事君，曰严与敬。
孝当竭力，忠则尽命。
临深履薄，夙兴温清。
似兰斯馨，如松之盛。
川流不息，渊澄取映。
容止若思，言辞安定。
笃初诚美，慎终宜令。
荣业所基，籍甚无竟。
学优登仕，摄职从政。
存以甘棠，去而益咏。
乐殊贵贱，礼别尊卑。
上和和睦，夫唱妇随。
外受傅训，入奉母仪。
诸姑伯叔，犹子比儿。
孔怀兄弟，同气连枝。
交友投分，切磨箴规。
仁慈隐恻，造次弗离。
节义廉退，颠沛匪亏。
性静情逸，心动神疲。

<<弟子规·千字文>>

守真志满，逐物意移。
 坚持雅操，好爵自縻。
 都邑华夏，东西二京。
 背邙面洛，浮渭据泾。
 宫殿盘郁，楼观飞惊。
 图写禽兽，画彩仙灵。
 丙舍旁启，甲帐对楹。
 肆筵设席，鼓瑟吹笙。
 升阶纳陛，弁转疑星。
 右通广内，左达承明。
 既集坟典，亦聚群英。
 杜稿钟隶，漆书壁经。
 府罗将相，路侠槐卿。
 户封八县，家给千兵。
 高冠陪辇，驱毂振缨。
 世禄侈富，车驾肥轻。
 策功茂实，勒碑刻铭。
 盘溪伊尹，佐时阿衡。
 奄宅曲阜，微旦孰营。
 桓公匡合，济弱扶倾。
 绮回汉惠，说感武丁。
 俊义密勿，多士实宁。
 晋楚更霸，赵魏困横。
 假途灭虢，践土会盟。
 何遵约法，韩弊烦刑。
 起翦颇牧，用军最精。
 宣威沙漠，驰誉丹青。
 九州禹迹，百郡秦并。
 岳宗泰岱，禅主云亭。
 雁门紫塞，鸡田赤诚。
 昆池碣石，钜野洞庭。
 旷远绵邈，岩岫杳冥。
 治本于农，务兹稼穡。
 俶载南亩，我艺黍稷。
 税熟贡新，劝赏黜陟。
 孟轲敦素，史鱼秉直。
 庶几中庸，劳谦谨敕。
 聆音察理，鉴貌辨色。
 贻厥嘉猷，勉其祗植。
 省躬讥诫，宠增抗极。
 殆辱近耻，林皋幸即。
 两疏见机，解组谁逼。
 索居闲处，沉默寂寥。
 求古寻论，散虑逍遥。
 欣奏累遣，戚谢欢招。
 渠荷的历，园莽抽条。
 枇杷晚翠，梧桐蚤凋。

<<弟子规·千字文>>

陈根委翳，落叶飘摇。
游鹄独运，凌摩绛霄。
耽读玩市，寓目囊箱。
易轡攸畏，属耳垣墙。
具膳餐饭，适口充肠。
饱饫烹宰，饥厌糟糠。
亲戚故旧，老少异粮。
妾御绩纺，侍巾帷房。
纨扇圆洁，银烛炜煌。
昼眠夕寐，蓝笋象床。
弦歌酒宴，接杯举觞。
矫手顿足，悦豫且康。
嫡后嗣续，祭祀烝尝。
稽颡再拜，悚惧恐惶。
笈牒简要，顾答审详。
骸垢想浴，执热愿凉。
驴骡犊特，骇跃超骧。
诛斩贼盗，捕获叛亡。
布射僚丸，嵇琴阮箫。
恬笔伦纸，钧巧任钧。
释纷利俗，并皆佳妙。
毛施淑姿，工颦妍笑。
年矢每催，曦晖朗曜。
璇玑悬斡，晦魄环照。
指薪修祜，永绥吉劭。
矩步引领，俯仰廊庙。
束带矜庄，徘徊瞻眺。
孤陋寡闻，愚蒙等诮。
谓语助者，焉哉乎也。

<<弟子规·千字文>>

章节摘录

插图：

<<弟子规·千字文>>

编辑推荐

《弟子规·千字文》：这里是属于孩子的世界，有湛蓝的天空，暖暖的阳光；有甜美的微笑，闪光的感动。

翻开这些书籍能让孩子感受到永恒的经典和非凡的魅力，让他们在属于自己的天空下幸福地成长！

<<弟子规·千字文>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>